

摘藻堂四庫全書薈要

集部

欽定四庫全書  
會要卷一萬八千一百四十五

集部

御定全唐詩卷七百四十

孟賓于

孟賓于字國儀連州人天福九年登第還鄉為馬氏從  
事後歸南唐為塗陽令坐繫赦歸後主起為水部員外  
致仕初居吉州玉笥山自號羣玉峯叟有金黿集二卷  
今存詩八首

蟠溪懷古

良哉呂尚父深隱始歸周釣石千年在春風一水流松  
根盤蘚石花影卧沙鷗誰更懷韜術追思古渡頭

懷連上舊居

閒思連上景難齊樹繞仙鄉路繞溪明月夜舟漁父唱  
春風平野鷓鴣啼城邊寄信歸雲外花下傾杯到日西  
更憶海陽垂釣侶昔年相遇草萋萋

公子行

錦衣紅奪彩霞明侵曉春遊向野庭不識農夫辛苦力

驕驄蹋爛麥青青

湘江亭

獨宿大中年裏寺樊籠得出事無心寒山夢覺一聲磬  
霜葉滿林秋正深

題梅仙館

仙界路遙雲縹緲古壇風冷葉蕭騷後來豈合言淹滯  
一尉昇騰道最高

題顏氏亭宇

南唐書顏詡居木川雅詞翰所居  
依泉石築亭榭開軒四敞碧蘚叢

繞翠微環列蕭爽之趣杜絕塵囂  
名士賓于輩各為詩以述其幽隱

園林蕭灑聞來久欲訪因循二十秋今日開襟吟不盡  
碧山重疊水長流

晚眺

倚杖殘秋裏吟中四顧頻西風天際雁落日渡頭人草  
色衰平野山陰斂暮塵却尋苔徑去明月照村鄰

獻主司

那堪雨後更聞蟬溪隔重湖路七千憶昔故園楊柳岸

全家送上渡頭船

主司得詩自謂得賓于之晚後賓于致仕歸連上過廬陵吉守贈詩有今

日還家莫惆悵不同  
初上渡頭船用此

句

遠樹連沙靜閒舟入浦遲

夏日  
曲江

簾垂羣吏散苔長訟

庭閒

贈徐明府  
並詩中旨格

去年曾折處今日又垂條

柳以下  
吟牕雜錄

早知落處隨疎雨悔得開時順暖風

落花

千家簾幕

春空在幾處樓臺月自明

落花

臘雪化為流水去春風

吹出好山來

雪霽

昔日聲塵喧洛下近年詩句滿江南

寄李昉

匝地人家凭檻見  
遠山秋色捲簾看

永州法華寺高軒

詩話  
總龜

蟾宮空手下澤國更誰來

水國二親應採榜

龍門三月又傷春

仙鳥却回空說夢  
清朝未達自嫌

身失意從他桃李春  
嵩陽經過歇行塵  
雲僧不見城

中事問是今年第幾人  
因逢日者教重應  
忍被雲僧

勸却歸

賓于應舉卜於華山神一年乞一琰凡六擲而得吉兆後果驗每年下第有詩  
邵闕雅談

廖匡圖

廖匡圖字贊禹虔州人  
湖南馬氏辟幕下為天策府學

士與劉昭禹李宏皋徐仲雅蔡昆韋鼎釋虛中齊已俱  
以文藻知名詩四首

九日陪董內召登高

祝融峰下逢嘉節相對那能不愴神煙裏共尋幽磴菊  
樽前俱是異鄉人遙山帶日應連越孤雁來時想別秦  
自古登高盡惆悵茱萸休笑淚盈巾

贈泉陵上人

暫把枯藤倚碧根禪堂初創楚江濱直疑松小難留鶴

未信山低住得雲草接寺橋牛笛近日銜村樹鳥行分  
每來共憶曾遊處萬壑泉聲絕頂聞

和人贈沈彬

冥鴻跡在煙霞上燕雀休誇大厦巢名利最為浮世重  
古今能有幾人拋逼真但使心無著混俗何妨手強抄  
深喜卜居連岳色水邊竹下得論交

松

曾於西晉封中散又向東吳作大夫濃翠自知千古在

清聲誰道四時無  
枝柯偃後龍蛇老  
根脚盤來爪距粗  
直待素秋搖落日  
始將凡木鬪榮枯

句

正悲世上事無限  
細看水中塵更多

永州江  
干感興

廖凝

廖凝字熙績圖之弟  
初歸湖南隱衡岳  
後與馬希萼同遷  
金陵授水部員外郎  
出為建昌令終江州  
團練副使善吟諷  
與李建勳為詩友  
相善江左學詩者  
多造其門

集七卷今存詩三首

中秋月

九十日秋色今宵已半分  
孤光含列宿四面絕纖雲  
衆木排疎影寒流疊細紋  
遙遙望丹桂心緒正紛紛

聞蟬

一聲初應候萬木已西風  
偏感異鄉客先於離塞鴻  
日斜金谷靜雨過石城空  
此處不堪聽蕭條千古同

彭澤解印

五斗徒勞謾折腰三年兩鬢為誰焦  
今朝官滿重歸去  
還挈來時舊酒瓢

句

滿汀漚不散一局黑全輸

十歲詠棋  
作者見之曰必垂名于後

郡閣雅談云

獵回千帳雪探密大河冰

以下並吟  
臆雜錄

落盡最高樹始

知松栢青

落葉

飯僧春嶺蕨醒酒雪潭魚

贈史  
虛白

風清

竹閣留僧宿雨濕莎庭放吏衙

宰彭  
澤作

紅躑躅繁金殿

暖碧芙蓉笑水宮秋

錦繡萬  
花谷

韋鼎

韋鼎湖南人與廖匡圖俱知名詩一卷今存一首

贈廖凝

時凝居南岳

君與白雲鄰生涯久忍貧姓名高雅道寰海許何人岳  
氣秋來早亭寒果落新幾回吟石畔孤鶴自相親

左偃

左偃南唐人不仕居金陵能詩有鍾山集一卷今存詩  
十首

寄廬山白上人

潦倒門前客閒眠歲又殘連天數峰雪終日與誰看萬  
丈高松古干尋落水寒仍聞有新作嬾寄入長安

寄韓侍郎

謀身謀隱兩無成拙計深慙負耦耕漸老可堪懷故國  
多愁翻覺厭浮生言詩幸遇明公許守朴甘遭俗者輕  
今日況聞搜草澤獨悲顛顛卧昇平

漢宮詞

寒燭照清夜笙歌隔薛牆一從飛燕入便不見君王

送君去

關河月未曉行子心已急佳人無一言獨背殘燈泣

秋晚野望

倚筇聊一望何處是秦川草色初晴路鴻聲欲暮天

郊原晚望懷李秘書

歸鳥入平野寒雲在遠村徒令睇望久不復見王孫

言懷別同志

漸老將誰託勞生每自慙何當重攜手風雨滿江南

江上晚泊

寒雲淡淡天無際片帆落處沙鷗起水濶風高日復斜  
扁舟獨宿蘆花裏

寄鑒上人

一從攜手阻戈鋌屈指如今已十年長記二林同宿夜  
竹齋聽雨共忘眠

送人

一莖兩莖華髮生千枝萬枝梨花白春色江南獨未歸  
今朝又送還鄉客

句

胡笳聞欲死漢月望還生

昭君怨

日華離碧海雲影散

青霄

早日

御定全唐詩卷七百四十

欽定四庫全書蒼要卷一萬八千一百四十六

集部

御定全唐詩卷七百四十一

陳貺

陳貺南閩人隱廬山三十年玄宗聘至獻景陽臺懷古詩玄宗稱善授以官固辭賜粟帛遣還詩一首

景陽臺懷古

景陽六朝地運極自依依一會皆同是到頭誰論非酒  
濃沈遠慮花好失前機見此尤宜戒正當家國肥

劉洞

劉洞廬陵人學詩於陳貺隱居廬山後主召見獻詩百篇有集行世存詩一首

石城懷古

石城古岸頭一望思悠悠幾許六朝事不禁江水流

句

千里長江皆渡馬十年養士得何人  
翻憶潘郎章奏

內悵悵日暮好沾巾

江南野錄金陵受園洞為七言詩榜路傍云云家園悵悵如日將暮

潘佑諫表  
中語也

百骸同草木萬象入心靈

夜坐  
窻雜錄  
吟

江為

江為宋州人避亂家建陽遊廬山師陳貺為詩集一卷

今存詩八首

旅懷

迢迢江漢路秋色又堪驚  
半夜聞鴻雁多年別弟兄  
高風雲影斷微雨菊花明  
欲寄東歸信裴回無限情

江行

越信隔年稀孤舟幾夢歸月寒花露重江晚水煙微峰  
直帆相望沙空鳥自飛何時洞庭上春雨滿蓑衣

登潤州城

天末江城晚登臨客望迷春潮平島嶼殘雨隔虹霓鳥  
與孤帆遠煙和獨樹低鄉山何處是目斷廣陵西

岳陽樓

倚樓高望極展轉念前途晚葉紅殘楚秋江碧入吳雲  
中來鴈急天末去帆孤明月誰同我悠悠上帝都

送客

明月孤舟遠吟髭鑷更華天形圍澤國秋色露人家水  
館螢交影霜洲橘委花何當尋舊隱泉石好生涯

臨刑詩

五代史補為在福州有故人欲投江南  
為與草表事發并誅臨刑詞色不撓賦

此詩

街鼓侵人急西傾日欲斜黃泉無旅店今夜宿誰家

塞下曲

萬里黃雲凍不飛磧煙烽火夜深微胡兒移帳寒茄絕

雪路時聞探馬歸

隋堤柳

錦纜龍舟萬里來  
醉鄉繁盛忽塵埃  
空餘兩岸千株柳  
雨葉風花作恨媒

句

吟登蕭寺旃檀閣  
醉倚王家玳瑁筵  
題白鹿寺  
遠遠朝宗

出白雲方圓隨處性  
長存

水見吟  
憲雜錄

高越

高越字仲遠幽州人仕吳授祕書郎累遷中書舍人終  
勤政殿學士戶部侍郎詩一首

詠鷹

越歸南唐初授鄂帥張宣  
又不見知以鷹詩誚之

雪爪星眸世所稀摩天專待振毛衣虞人莫謾張羅網

未肯平原淺草飛

一作晴空不礙摩天  
翻未肯平原淺草飛

御定全唐詩七百四十一

欽定四庫全書薈要卷一萬八千一百四十七

集部

御定全唐詩卷七百四十二

張泌

一作  
泌

張泌字子澄淮南人仕南唐為句容縣尉累官至內史  
舍人詩一卷

惜花

蝶散鶯啼尚數枝日斜風定更離披  
看多記得傷心事  
金谷樓前委地時

寄人

別夢依依到謝家  
小廊迴合曲闌斜  
多情只有春庭月  
猶為離人照落花

酷憐風月為多情  
還到春時別恨生  
倚柱尋思倍惆悵  
一場春夢不分明

邊上

戍樓吹角起征鴻  
獵獵寒旌背晚風  
千里暮煙愁不盡  
一川秋草恨無窮  
山河慘澹關城閉  
人物蕭條市井空

只此旅魂招未得更堪回首夕陽中

長安道中蚤行

客離孤館一燈殘  
牢落星河欲曙天  
雞唱未沈函谷月  
鴈聲新度灞陵煙  
浮生已悟莊周蝶  
壯志仍輸祖逖鞭  
何事悠悠策羸馬  
此中辛苦過流年

洞庭阻風

空江浩蕩景蕭然  
盡日菰蒲泊釣船  
青草浪高三月渡  
綠楊花撲一溪煙  
情多莫舉傷春日  
愁極兼無買酒錢

猶有漁人數家住不成村落夕陽邊

春日旅泊桂州

暖曉一作風芳草竟芊綿多病多愁負少年弱柳未勝寒

食雨好花爭奈夕陽天溪邊物色堪一作圖畫林畔鶯

聲似管弦獨有離人開淚眼強憑杯酒亦潸然

晚次一作湘源縣

煙郭遙聞向晚雞水平舟靜浪聲齊高林帶雨楊梅熟

曲岫籠雲謝豹啼二女廟荒汀一作樹老九疑山碧楚

天低湘南自古多離怨莫動哀吟易慘悽

惆悵吟

秋風丹葉動荒城慘澹雲遮日半明  
晝夢却因惆悵得晚愁多為別離  
生江淹彩筆空留恨莊叟玄譚未及情  
千古怨魂銷不得一江寒浪若為平

秋晚過洞庭

征帆初一作高

挂酒初酣莫景離情兩不堪千里晚霞雲

夢北一洲霜橘洞庭南溪風送雨過秋寺  
礧石驚龍落

夜潭莫把羈魂吊湘魄九疑愁絕鎖煙嵐

題華嚴寺木塔

六街晴色動秋光雨霽憑高只易傷一曲晚煙浮渭水  
半橋斜日照咸陽休將世路悲塵事莫指雲山認故鄉  
回首漢宮樓閣莫數聲鐘鼓自微茫

經舊遊

暫到高唐曉又還丁香結夢水潺潺不知雲雨歸何處  
歷歷空留十二山

碧戶

碧戶扃魚鑠蘭窻掩鏡臺落花疑悵望歸燕自裴回詠  
絮知難敵傷春不易裁恨從芳草起愁為晚風來衣惹  
湘雲薄省分楚岫開香濃眠舊枕夢好醉春杯小障明  
金鳳幽屏點翠苔寶箏橫塞鴈怨笛落江梅卓氏仍多  
酒相如正富才莫教琴上意翻作鶴聲哀

芍藥

香清粉澹怨殘春蝶翅蜂鬚戀藥塵閒倚晚風生長望

靜留遲日學因循  
休將薜荔為青瑣  
好與玫瑰作近鄰  
零落若教隨暮雨  
又應愁殺別離人

春晚謠

雨微微煙霏霏  
小庭半折紅薔薇  
鈿箏斜倚畫屏曲  
零落幾行金鴈飛  
蕭關夢斷無尋處  
萬疊春波起南浦  
凌亂楊花撲繡簾  
晚窻時有流鶯語

所思

空塘水碧春雨微  
東風散漫楊柳飛  
依依南浦夢猶在

脈脈高唐雲不歸江頭日莫多芳草極目傷心煙悄悄  
隔江紅杏一枝明似玉佳人俯清沼休向春臺更迴望  
銷魂自古因惆悵銀河碧海共無情兩處悠悠起風浪

春夕言懷

風透疎簾月滿庭倚欄無事倍傷情煙垂柳帶纖腰軟  
露滴花房怨臉明愁逐野雲銷不盡情隨春浪去難平  
幽窻謾結相思夢欲化西園蝶未成

春江雨

雨溟溟風泠泠老松瘦竹臨煙汀空江冷落野雲重村

一作雲中鬼火一作孤月微如星夜驚溪上漁人起滴瀝篷聲

滿愁耳子規叫斷獨未眠卷岝春濤打船尾

送容州中丞赴鎮

交趾同星坐龍泉佩斗文燒香翠羽帳看舞鬱金裙鷓首衝瀧浪犀渠拂嶺雲莫教銅柱北祇說馬將軍

贈韓道士

日暮秋風吹野花上清歸客意無涯桃源寂寂煙霞閉

天路悠悠星漢斜  
還似世人生白髮  
定知仙骨變黃芽  
東城南陌頻相見  
應是壺中別有家

御定全唐詩卷七百四十二

欽定四庫全書薈要卷一萬八千一百四十八

集部

御定全唐詩卷七百四十三

孫魴

孫魴字伯魚南昌人從鄭谷為詩頗得鄭體事吳為宗  
正郎與沈彬李建勳友善集三卷今存詩七首

甘露寺

寒暄皆有景孤絕畫難形地拱千尋嶮天垂四面青  
畫  
燈籠鴈塔夜磬徹漁汀最愛僧房好波光滿戶庭

題金山寺

萬古波心寺金山名目新天多剩得月地少不生塵過

擄妨僧定驚濤濺佛身誰言張處士題後更無人

前四句一

作山載江心寺魚龍是四鄰樓臺懸倒影鐘磬隔巖塵末二句一作誰言題詠處流響更無人

楊柳枝詞五首

靈和風暖太昌春舞線搖絲向昔人何似曉來江雨後  
一行如畫隔遙津

彭澤初栽五樹時只應閑看一枝垂不知天意風流處

要與佳人學畫眉

暖傍離亭靜拂橋入流穿檻綠陰搖不知落日誰相送  
魂斷千條與萬條

春來綠樹遍天涯未見垂楊未可誇晴日萬株煙一陣  
閒坊兼是莫愁家

十首當年有舊詞唱青歌翠幾無遺未曾得向行人道  
不爲離情莫折伊

句

遊子未歸去野花愁破心

春日途中吟憲雜錄

劃多灰漸冷坐

久席成痕

江南野錄

結宇孤峰上安禪巨浪間分開朝海

浪留住過江雲

以上並金山寺

劃多灰雜蒼虬跡坐久煙消

寶鴨香

夜生

沈彬

沈彬字子文高安人唐末應進士不第浪跡湖湘嘗與

僧虛中齊己為詩友事吳為秘書郎以吏部郎中致仕

年八十餘李璟以舊恩召見賜粟帛官其子詩十九首

入塞二首

欲為皇王服遠戎，萬人金甲鼓鼙中。  
陣雲黯塞三邊黑，兵血愁天一片紅。  
半夜翻營旗攪月，深秋防戍劔磨風。  
謗書未及明君熟，臥骨將軍已歿功。

苦戰沙門臥箭痕

一作年少辭鄉事冠軍

戍樓間上望星文，生希

國澤分偏將

一作生希沙漠擒驕虜

死奪河源，蒼聖君。鳶覩敗兵

眠白

一作血

草馬驚邊

一作冤

鬼哭陰

一作愁

雲功多地遠，無

人紀漢閣笙歌日，又曛

塞下三首

塞葉聲悲秋欲霜  
寒山數點下牛羊  
映霞旅鴈隨踈雨  
向磧行人帶夕陽  
邊騎不來沙路失  
國恩深後海城荒  
胡兒向化新成長  
猶自千回問漢王

貴主和親殺氣沉  
燕山間獵鼓鞦音  
旗分雪草偷邊馬  
箭入寒雲落塞禽  
隴月盡牽鄉思  
動戰衣誰寄淚  
痕深金釵謾作封  
侯別劈破佳人萬  
里心

月冷榆關過鴈行  
將軍寒笛老思鄉  
貳師骨恨千夫壯

李廣魂飛一劍長  
戍角就沙催落日  
陰雲分磧護飛霜  
誰知漢武輕中國  
閭奪天山草木荒

秋日

秋含砧杵擣斜陽  
笛引西風顥氣涼  
薜荔惹煙籠蟋蟀  
芰荷翻雨潑鴛鴦  
當年酒賤何妨醉  
今日時難不易狂  
腸斷舊遊從一別  
潘安惆悵滿頭霜

金陵雜題二首

王氣生秦四百年  
晉元東渡浪花船  
正慙海內皆塗地

來保江南一片天古樹著行臨遠岸暮山相亞出微煙  
千征萬戰英雄盡落日牛羊食野田

暮潮聲落草光沉賈客來帆宿岸陰一笛月明何處酒  
滿城秋色幾家砧時清曾惡桓溫盛山翠長牽謝傅心  
今日到來何物在碧煙和雨鎖寒林

麻姑山

紺殿松蘿太古山仙人曾此話桑田間傾雲液十分日  
已過浮生一萬年花洞路中逢鶴信水簾巖底見龍眠

我來遊禮酬心願欲共怡神契自然

題蘇仙山

郴州城東有山為蘇耽  
修真之所名蘇仙山

眼穿林罅見郴州井里交連側局楸味道不來閒處坐  
勞生更欲幾時休蘇仙宅古煙霞老義帝墳荒草木愁  
千古是非無處問夕陽西去水東流

洪州解至長安初舉納省卷夢仙謠

缺二十  
八字

玉殿大開從客入

金桃爛熟没人偷鳳驚寶扇頻翻翅龍懼

一作  
候

金鞭不

一作  
忽轉頭

憶仙謠 第二舉

白榆風颭九天秋  
王母朝迴宴玉樓  
日月漸長雙鳳睡  
桑田欲變六鰲愁  
雲翻簫管相隨去  
星觸旌幢各自流  
詩酒近來狂不得  
騎龍却憶上清遊

納省卷贈為首劉象 第三舉

曾應大中天子舉  
四朝風月鬢蕭疎  
不隨世祖重攜劍  
却為文皇再讀書  
十載戰塵銷舊業  
滿城春雨壞貧居

一枝何事於君借仙桂年年幸有餘

文皇謂太宗世祖謂昭宗以光武中

興比之也

贈王定保

定保光化中及第吳子華侍郎以子妻之子華即世定保南遊湖湘無北

歸意吳女假緇服自長安來謁白於馬殷令引見於佛寺吳隔簾誚之

仙桂曾攀第一枝薄遊湘水阻佳期  
皋橋已失齊眉願  
蕭寺行逢落髮師  
廢苑露寒蘭寂寞  
丹山雲斷鳳參差  
聞公已有平生約  
謝絕女蘿依兔絲

結客少年場行

重義輕生一劍知  
白虹貫日報讐言  
歸片心惆悵清平世  
酒市無人問布衣

陽朔碧蓮峰

陶潛彭澤五株柳  
潘岳河陽一縣花  
兩處爭如陽朔好

一作  
碧蓮峰裏住人家

再過金陵

玉樹歌終王氣收  
鴈行高送石城秋  
江山不管興亡事  
一任斜陽伴客愁

都門送別

岸柳蕭疎野荻秋  
都門行客莫回頭  
一條灞水清如劍  
不為離人割斷愁

弔邊人

殺聲沈後野風悲  
漢月高時望不歸  
白骨已枯沙上草  
家人猶自寄寒衣

句

尺素隱清輝  
一毫分險阻

題畫山水圖

金翅動身摩日月

銀河轉浪洗乾坤

獻馬殷頌德  
五代史補

須知手筆安排定不

怕山河整頓難

獻李昇山  
水圖詩

九衢冠蓋暗爭路四海干

戈多異心

紀事

地隈一水巡城轉天約羣山附郭來

題法

華寺零陵總記

數家魚網疎雲外一岸殘陽細雨中

湘江行

松欹晚影離壇草鐘撼秋聲入殿風

潘天錫同題古  
觀郡閣雅談

塵低吳楚遙涵水約破雲霞獨倚天

望廬山  
野客叢談

半月

落日離秦樹一路平蕪入楚煙

以下錦繡  
萬花谷

清占月中

三峽水麗偷雲外十洲春

幽鳥喚人穿竹去野猿尋

果出雲來


御定全唐詩卷七百四十三

謹案卷七百三十九第一頁前五行南唐主李昇  
刊本昇訛昇據五代史改

卷七百四十三第二頁前七行不為離情莫折伊  
刊本為訛謂據別本改

第三頁後八行貳師骨恨千夫壯刊本貳訛二據  
漢書改





總校官庶吉士臣張能照

校對官庶吉士臣翟槐

騰錄貢生臣王嘉稷

欽定四庫全書薈要

集部

御定全唐詩卷七百四十六

四至

詳校官原任主事臣李斯咏



欽定四庫全書蒼齋要卷一萬八千一百四十九

集部

御定全唐詩卷七百四十四

伍喬

伍喬廬江人南唐時舉進士第一仕至考功員外郎詩

伍喬廬江人南唐時舉進士第一仕至考功員外郎詩

僻居謝何明府見訪

公退琴堂動逸懷閒披煙靄訪微才馬嘶窮巷蛙聲息  
轍到衡門草色開風引柳花當坐起日將林影入庭來

滿齋塵上一牀蘚多謝從容水飯回

冬日道中

一作冬日送人

去去天涯無定期瘦童羸馬共依依暮煙江口客來絕

寒葉嶺頭

一作前

人住

一作往

稀帶雪野風吹旅思入雲山

火照行衣釣臺吟閣滄洲在應為初心未得歸

僻居酬友人

僻居雖

一作惟

愛近林泉幽徑閒居

一作園

碧

一作任

蘚連向

竹掩扉隨鶴息就溪安石學僧禪古琴帶月音聲亮

一作

正  
山果經霜氣味全多謝故交憐朴野隔雲時復寄佳  
篇

遊西山龍泉禪寺

一作院

疊嶽層峰坐可觀枕門流水更潺湲

一作出雲端

曉鐘聲徹

洞溪遠夏木影籠軒檻寒幽徑乍尋衣屨潤古堂頻宿  
夢魂安因嗟城郭營營事不得長遊

一作遊茲

空鬢殘

宿瀟山

一入仙山萬慮寬夜深寧厭倚虛欄鶴和雲影宿高木

人帶月光登古壇  
芝朮露濃溪塢白  
薜蘿風起殿廊寒  
更陪羽客論真理  
不覺初鐘叩曉殘

遊西禪

遠岫當軒列翠光  
高僧一衲萬緣忘  
碧松影裏地長潤  
白藕花中水亦香  
雲自雨前生淨石  
鶴于鐘後宿長

一作

塵

廊遊人戀此吟  
終日盛暑樓臺早有涼

寄史處士

長羨閒居一水濱  
吟情高古有誰知  
石樓待月橫琴久

漁浦經風下釣遲僻塢

一作幽園

落花多掩徑舊山殘燒幾

侵籬松門別後無消息早晚重應躡屐隨

一作重為清話期

僻居秋思寄友人

一作故友

門巷秋歸更寂寥雨餘閑砌委蘭苗夢迴月夜蟲吟壁

病起茅齋藥滿瓢澤國舊遊關遠思竹林前會負佳招

身名未立猶辛苦何許流年晚鬢凋

一作焦

寄落星史虛白處士

白雲峰下古溪頭曾與提壺爛漫遊登閣共看彭蠡水

圍爐相憶杜陵秋，碁玄不厭通高品。

一作通  
宵算

句妙多容

隔歲酬別後，相思時一望。暮山空碧，水空流。

九江旅夜寄山中故人

弱柳風高遠，漏沈坐來難。便息愁吟，江城雪盡寒猶在。  
客舍燈孤夜，正深塵土積。年粘旅服，關山無處寄歸心。  
此時遙羨閒眠侶，靜掩雲扉卧。

一作  
向

一林

聞杜牧赴闕

舊隱匡廬一草堂，今聞攜策謁吾皇。峽雲難卷從龍勢。

古劍終騰出土光開翅定期歸碧落濯纓寧肯問滄浪  
他時得意交知仰莫忘裁詩寄釣鄉

題西林寺水閣

竹翠苔花遶檻濃此亭幽致詎曾逢水分林下清泠派  
山峙雲間峭峻峰怪石夜光寒射燭老杉秋韻冷和鐘  
不知來往留題客誰約重尋蓮社蹤

林居喜崔二博遠至

幾日區區在遠程晚煙林徑喜相迎姿容雖有塵中色

巾屨猶多嶽上清野石靜排為坐榻溪茶深煮當飛觥  
留連話與方經宿又欲攜書別我行

觀華夷圖

別手應難及此精須知攢簇自心靈始於毫末分諸國  
漸見圖中列四溟關路欲伸通楚勢蜀山俄聳入秦青  
筆端盡現寰區事堪把長懸在戶庭

廬山書堂送祝秀才還鄉

束書辭我下重巔相送同臨楚岫邊歸思幾隨千里水

離情空寄一枝蟬  
園林到日酒初熟  
庭戶開時月正圓  
莫使蹉跎戀踈野  
男兒酬志在當年

暮冬送何秀才毘陵

疋馬嘶風去思長  
素琴孤劒稱戎裝  
路塗多是過殘歲  
杯酒無辭到醉鄉  
雲傍水村凝冷片  
雪連山驛積寒光  
毘陵城下饒嘉景  
回日新詩應滿堂

龍潭張道者

碧洞幽巖獨息心  
時人何路得相尋  
養生不說憑諸藥

適意惟聞在一琴石徑掃稀山蘚合竹軒開晚野雲深  
他年功就期飛去應笑吾徒多苦吟

晚秋同何秀才溪上

閒步秋光思杳然荷藜因共過林煙期收野藥尋幽路  
欲採溪菱上小船雲吐晚陰藏霽岫柳含餘靄咽殘蟬  
倒尊盡日忘歸處山磬數聲敲暝天

送江少府授延陵後寄

五老雲中勤學者遇時能不困風塵東書西上謁明主

捧檄南歸慰老親  
別館友朋留醉久  
去程煙月入吟新  
莫因官小慵之任  
自古鸞棲有異人

觀山水障子

功績精妍世少倫  
圖時應倍用心神  
不知草木永何異  
但見江山長帶春  
雲勢似離巖底石  
浪花如動岼邊蘋  
更疑獨泛漁舟者  
便是其中舊隱人

寄張學士洎

不知何處好消憂  
公退攜壺即上樓  
職事久參侯伯幕

夢魂長遶帝王州  
黃山向晚盈軒翠  
點水含春繞檻流  
遙想玉堂多暇日  
花時誰伴出城遊

句

積靄沈諸壑  
微陽在半峰

省試霽後  
望鍾山

御定全唐詩卷七百四十四

欽定四庫全書薈要卷一萬八千一百五十一  
集部

御定全唐詩卷七百四十五

陳陶

陳陶字嵩伯嶺南

一云鄱陽  
一云劍浦

人大中時遊學長安南唐

昇元中隱洪州西山後不知所終詩十卷今編為二卷

塞下曲

邊頭能走馬  
援臂李將軍  
射虎羣胡伏  
開弓絕塞聞  
海山語向背  
攻守別風雲  
只為抗降罪  
輕車未轉勳

望湖關下戰雜虜喪全師烏啄豺狼將沙埋日月旗牛  
羊奔赤狄部落散燕耆都護凌晨

一作臨城

出銘功瘞死屍

胡無人行

十萬羽林兒臨洮破郅支殺添胡地骨降足漢營旗塞  
闊牛羊散兵休帳幕移空流隴頭水嗚咽向人悲

悲哉行

中嶽仇先生遺余餌松方服之一千日肢體生異香步  
履如風旋天涯不齋糧仍云

一作聞

為地仙不得朝虛皇

狡兔有三穴人生又何常悲哉二廉士餓死於首陽

塗山懷古

落拓書劍晚清秋鷹正籠塗山間來上敬愛如登龍覽

古覺神王脩然天地空東南更

一作竟

何有一醉先王風

惟昔放勳世陰晦徹

一作肅

成洪皇圖化魚鱉天道漂無

蹤帝乃命舟楫掇芳儒素中高陳九州力百道驅歸東

舊物復光明洪爐再埏鎔經門不私子足知

一作示

天下

公亮曰那並生唐虞禪華蟲茲山朝萬國一賦寰海同

十載存區寓秋毫皆一作亦帝功垂衣不驕德子桀如何

聾握髮聞禮賢葺茅見卑宮凡夫色難事神聖安能恭

道隱一作德三千年遺芳播笙鏞當時執圭處佳氣仍童

童海嶼儼清廟天人盛祇供玄恩及花木丹讖名崆峒

異代草澤臣何由樹勲庸堯階未曾識誰信平生忠恨

不當際會預為執鞭僮勞歌下山去懷德心無窮

遊子吟

栖鳥喜林曙驚蓬傷歲闌關河三尺雪何處是天山朔

風無重衣僕馬饑且寒慘慼別妻子遲回出門難男兒  
值休明豈是長沉蟠何者為木偶何人侍金鑾鬱鬱守  
貧賤悠悠亦無端進不圖功名退不處巖壑窮通在何  
日光景如跳丸富貴苦不早令人推心肝誓期春之陽  
一振摩霄翰

懷仙吟二首

丹陵五牙

一作霞

客昨日羅浮歸赤斧尋不得煙霞空滿

衣試於華陽問果遇三茅知採藥向十洲同行牧羊兒

十洲隔八海浩渺不可期空留雙白鶴巢在長松枝  
雲溪古流水春晚桃花香憶與我師別片帆歸滄浪滄  
浪在何許相思淚如雨黃鶴不復來雲深離別處石渠  
泉泠泠三見菖蒲生日夜勞夢魂隨波注東溟空懷別  
時惠長讀消魔經

海昌望月

何處無今夕豈期在海頭賈客不愛月嬋娟

一作避  
一作入

滄洲浩然傷歲華獨望湖邊樓煙島青歷歷藍田白悠

悠誰無破鏡期緊我信虛舟誰無桂枝念緊我方推輶

始見鸞環春又逢團圓秋莫厭綾扇夕百年多銀鈎金

盤誰雕鐫玉窟難冥搜重輪運時節三五不自由疑拋

雲上鍋

一作  
碣

欲樓天邊毬孀居應寒冷擣藥青冥愁兔

子樹下蹲蝦蟆池中遊如何名金波不共水東流天花

辟臙腥野雲無邊陬蚌蛤乘大運含珠相對醅夜鵲思

南鄉露華清東甌百寶安可覩老龍鑱深湫究究如情

人盜者即

一作  
如

仇讐海涯上皎潔九門更清幽亭亭勸

金尊夜久喘吳牛夷俗皆輕擲北山思今

一作遊

遊鴈聲

故鄉來客淚隨南洲平生煙霞志讀書覓封侯四海尚  
白身豈無故鄉羞壙坎何足歎壯如水中虬獵獵谷底  
蘭搖搖波上鷗中途喪資斧兩地生繁憂一杯太陰君  
鷓鴣豈無求明日將片葉三山東南浮

蒲門戍觀海作

廓落溟漲曉蒲門鬱蒼蒼登樓禮東君旭日生扶桑毫  
釐見蓬瀛舍

一作吞

吐金銀光草木露未晞蜃樓氣若藏

欲遊蟠桃國慮涉魑魅鄉徐市惑秦朝何人在巖廊惜  
哉千童子葬骨於眇茫恭聞槎客言東池接天潢即此  
聘牛女曰祈長壽方靈津水清

一作深

淺余亦慕脩航

番禺道中作

博羅程遠近海塞愁先入瘴雨出虹蜺蠻江渡山急常  
聞島夷俗犀象滿城邑鴈至草猶春潮迴檣半濕丹丘  
鳳皇隱水廟蛟龍集何處樹能言幾鄉珠是泣千年趙  
佗國霸氣委原隰齷齪笑終軍長纓禍先及

贈江西周大夫

一作贈周太史

否極生大賢，九元降靈氣。獨立正始風，蔚然中興淵。  
淪照三古磊，落涵涇渭真。貌月懸秋雄，詞雷出地具。瞻  
先皇寵欲踐，東華貴咫尺。時不來千秋，鼎湖淚因分。三  
輔職進領南平，位報政黃霸。慙提兵呂蒙，醉歲星臨斗。  
牛水國嘉祥至，不獨蒼生蘇。仍兼六駟喜，一作師治恭聞廟  
堂畧欲斷，匈奴臂剗釋。自宸衷平戍，在連帥時康。簪笏  
冗世梗，忠良議丘壑。非無人松香，有私志三朝倚天劍。

十萬浮雲騎可使河曲清羣公信兒戲滄溟用謙德百  
谷走童稚禦衆付深人參籌須偉器他年蓬華賤願附  
鵷鸞翅

旅次銅山途中先寄温州韓使君

亂山滄海曲中有橫陽道東馬過銅梁苕華坐堪老鳩  
鳴高崖裂熊鬪深樹倒絕壑無坤維重林失蒼昊躋攀  
寡儔侶扶接念輿阜俛仰慄嵌空無因掇靈草梯一作  
睇  
窮聞戍鼓魂續賴丘禱敞豁天地歸縈紆村落好悠悠

思蔣徑擾擾愧商皓馳想永嘉侯應傷此懷抱

種蘭

種蘭幽谷底四遠聞馨香春風長養深枝葉趁人長  
智水潤其根仁鋤護其芳蒿藜不生地惡鳥弓已藏  
椒桂夾四隅茅茨居中央左鄰桃花塢右接蓮子塘  
一月薰手足兩月薰衣裳三月薰肌骨四月薰心腸  
幽人飢如何採蘭充餽糧幽人渴如何醞蘭為酒漿  
地無青苗租白日如散王一作羲皇不嘗仙人藥  
端坐紅霞房日夕望美

人佩花正煌煌美人久不來佩花徒生光刈穫及歲蕤  
無令見雪霜清芬信神鬼一葉豈可忘舉頭愧青天鼓  
腹詠時康下有賢公卿上有聖明王無階苔風雨願獻  
蘭一筐

草木言

何生我蒼蒼何育我黃黃草木無知識幸君同三光始  
自受姓名歲蕤立衣一作表裳山河既分麗齊首乳青陽  
甘辛各有榮好醜不相防常憂刀斧劫竊慕仁壽鄉願

天雨無暴願地風無狂雨足因衰憊風多因天傷在山  
不為桂徒辱君高岡在水不為蓮徒占君深塘勿輕培  
樓阜或有竒棟梁勿輕蒙朧澤或有竒馨香涓毫可蘆  
差朝菌壽為長擁腫若無取大椿命為傷婆娑不材生  
苒苒向秋荒幸遭薰風日有得皆簸揚所愧雨露恩願  
效幽微芳希君頻採擇勿使枯雪霜

題僧院紫竹

喜遊蛟井寺復見炎州竹杳靄萬丈間嘯風清獨連江

南正霜霰吐秀弄頰頰似瑞驚堅貞如魔試金粟笋非  
孝子泣文異相靈哭金碧誰與鄰蕭森自成族新聞赤  
帝種子落毛人谷遠祖賜鷓鴣遺芳遍南陸對煙蘇麻  
醜夾澗篔簹伏美譽動丹青瓌姿豔秦蜀因緣鹿苑識  
想像虵丘斲幾葉別黃茅何年依白足龍樹蟄一花砌  
瑤掃雲屋色靜曼仙花名高給孤獨青蔥太子樹灑落  
觀音目法雨每霑濡玉毫時照燭離居鸞節變住冷金  
顏縮豈念葛陂榮幸無祖父辱光搖水精串影送蓮花

軸江鷺目相尋野鷄時寄宿幽香入茶竈靜翠直碁局  
肯羨垣上蒿自多籬下菊從來道生一况伴龜藏六棲  
託詎星迴檀藥已雲矗霞杯傳縹葉羽管吹紫玉久絕  
無一作釣竿歌聊栽竹枝曲媿生黃金地千秋為師綠

早發始興

雲裏山已曙舟中火初爇綠浦待行橈玄猿催落月沿  
流信多美况復秋風發挂席借前期晨雞莫嘲哲

寄元孚道人

梵宇

一作楚寺

章句客佩蘭三十年長乘碧雲馬時策

一作借

翰林鞭囊事五岳遊金衣曳祥煙高攀桐君手左倚鸞

鷲肩哭玉秋雨中摘星春風前橫輶截洪偃憑几見廣

宣爾來寤華胥石壁孤雲眠龍降始得

一作聽

偈龜老方

巢蓮內殿無文僧駟虞誰能牽因之問楚水弔屈幾潺

湲

和西江

一作江南

李助副使早登開元寺閣

第十五句缺一

字

虛豁登寶閣三休極層構獨立天地間煙雲滿襟袖  
鰲荒初落日劍野呈綺繡秋檻祝融微陰軒九江湊拂簷  
皇姑舍錯落白榆秀倚砌天竺祠蛟龍蟠古甃倏然觀  
六合一指齊宇宙書劍忽若青雲日方晝南朝空蒼  
莽楚澤稀耕耨萬事溺頽波一航安可沒徒云寄麟泣  
六五終難就資斧念餘生湖光隱圭竇早聞羣黃鶴飄  
舉此江岫陵谷空靄然人樵已鷓鴣燕宮豸冠客憑覽  
發清奏珠玉難嗣音一作輶輶愧孤陋

將歸鍾陵留贈南海李尚書

楚國有田舍  
炎州長夢歸  
懷恩似秋燕  
屢遶玉堂飛  
越酒豈不甘  
海魚寧無肥  
山裘醉歌舞  
事與初心違  
煜煜文昌公  
英靈世間稀  
長江浩無際  
龍蜃皆歸依  
賤子感一言  
草茅發光輝  
從來雞鳧質  
得假鳳皇威  
常欲討玄珠  
青雲報巍巍  
龍門竟多故  
雙淚別旂

一作旂

宿島徑夷山舍

百里遵島徑  
蓬征信遭迴  
曠依漁樵宿  
似過一作黃金

臺缺齧心未理寥寥夜援哀山深石牀冷海近腥氣來  
主人意不淺屢獻流霞杯對月撫長劍愁襟紛莫開九  
衢平如水胡為涉崔嵬一飯未遑飽鵬圖信悠哉山濤  
謹細君吾豈厭蓬萊明發又驅馬客思一裘回

避世翁

海上—蓑笠終年垂釣絲滄洲有深意冠蓋何由知直  
釣不營魚蝸室無妻兒渴飲寒泉水飢食紫朮

一作靈芝

鶴髮披兩肩高懷如澄陂嘗聞仙老言云是古鵝夷石

竇閔雷雨金潭養蛟螭乘槎上玉津騎鹿遊峩嶠以人  
為語默與世為雄雌茲焉乃礪溪豹變應須時自古隱  
淪客無非王者師

冬夜吟

黑夜天寒愁散玉東皇海上張仙燭侯家歌舞按梨園  
石氏賓寮醉金谷魯家襜褕閣披水雪花燈下甘垂翅  
散帙高編折桂枝披紗密翫青雲地霜白溪松轉斜蓋  
銅龍喚曙咽聲細八埏螻蟻厭寒栖早晚青旗引春帝

展轉城烏啼紫天

一作烟

瞳矇千騎衙樓前

西川座上聽金五雲唱歌

蜀王殿上華筵開五雲歌從天上來滿堂羅綺悄無語

喉音止

一作只

駐雲裴回管弦金石還依轉不隨歌出靈

和殿白雲飄飄

一作飄

席上聞貫珠歷歷聲中見舊樣釵

篔簹澹衣元和梳洗青黛眉低叢小鬢膩髮鬢

徒果切  
小貌剪

髮為  
髻

碧牙鏤掌山參差曲終暫起更衣過還向南行座

頭坐低眉欲語謝貴侯檀臉雙雙淚穿破自言本是宮

中嬪武皇改號承恩新中丞御史不足比

中丞御史皆當時宮中歌

者水殿一聲愁殺人武皇鑄鼎登真籙嬪御蒙恩免幽

辱茂陵弓劍不得親嫁與卑官到西蜀卑官到官年未

周堂衡祿罷東西遊蜀江水急駐不得復此萍蓬二十

秋今朝得侍王侯宴不覺途中妾身賤願持卮酒更唱

歌歌是伊州第三遍唱著右丞征戍詞更聞閨

一作月

添相思如今聲韻尚如在何況宮中年少時五雲處處  
可憐許明朝道向裛中去須臾宴罷各東西雨散雲飛

莫知處

飛龍引

有熊之君好神仙  
滄霞鍊石三千年  
一旦黃龍下九天  
騎龍枿枿昇紫煙  
萬姓攀髯髯墮地  
啼呼弓劍飄寒水  
紫鸞八九隨玉笙  
金鏡空留照魑魅  
羽幢繡襪銀漢秋  
六宮望斷芙蓉愁  
應龍下揮中園笑  
泓泓水遶青苔洲  
瑞風颯颯還一作天光淺  
瑤闕戢戢橫露死  
沆瀣樓頭紫鳳歌  
三株樹下青牛飯  
鴻臚九闕相玉皇  
鈞天樂引金

華郎散花童子鶴衣短投壺姹女蛾眉長彤庭侍宴瑤  
池席老兔春高桂宮白蓬萊下國賜分珪阿母金桃容  
小摘仙流萬緘蟲篆春三十六洞交風雲千年小兆一  
蟬蛻丹臺職亞扶桑君金烏試浴青門水下界蜉蝣幾  
迴死

謫仙詞

牧龍丈人病高

一作歌

秋羣童擊節星漢愁瑤臺鳳輦不

勝恨太古一聲龍白頭玉氣蘭光久摧折上清雞犬音

書絕蛻旌失手遠於天三島空雲對秋月人間磊磊浮  
漚客鸞鷺蜻蜒飛自隔不應冠蓋逐黃埃長夢真君舊  
恩澤

步虛引

一作仙人詞

小隱山人十洲客莓苔為衣雙耳白青編為我忽降書

一作隱身

暮雨虹蜺

一作霞

一千尺赤城門閉

一作開

六丁直曉

日已燒

一作紅

東海色朝天半夜聞玉雞星斗離離礙龍

翼

一本後四句  
另作一首

獨搖手

漢宮新燕矜蛾眉，春臺豔妝蓮一枝。  
迎春侍宴瑤華池，游龍七盤嬌欲飛。  
冶袖鶯鸞拂朝曦，摩煙裊雪金碧遺。  
愁鴻連翩蠶曳絲，颯暎明珠掌中移。  
仙人龍鳳雲雨吹，朝哀暮愁引啞。  
一作 喔 伊鴛鴦翡翠承宴私。  
南山一笑君無辭，仙蛾泣月清露垂。  
六宮燒燭愁風歔。

空城雀

古城濛濛花覆水，昔日住人今住鬼。  
野雀荒臺遺子孫。

千年飲啄枯桑根不隨海燕栢梁去應無玉環銜報恩

近村紅粟

一作粟

香壓枝噉噉黃口訴朝飢生來未見鳳

皇語欲飛常怕蜘蛛絲斷腸四隅天四絕清泉綠蒿無  
恐疑

雞鳴曲

雞聲春曉上林中一聲驚落蝦蟇宮二聲喚破枕邊夢  
三聲行人煙海紅平旦慵將百雛語蓬鬆錦繡當陽處  
媿君飲食長相呼為君晝鳴下高樹

小笛弄

一作小  
弄

一尺玲瓏握中翠，僊娥月浦呼龍子。五夜流珠

一作  
球

粲

一作  
渠

夢卿

一作  
卿

九青鸞

倚洪崖，醉丹穴。飢兒笑風雨，媧

皇碧玉星星語，蛇蝎愁聞骨髓寒。江山恨老眠秋霧，綺  
席鴛鴦冷朱翠。星流露泣誰驅使，江南一曲罷伶倫。芙  
蓉水殿春風起。

將進酒

金尊莫倚青春健，齷齪浮生如走電。琴瑟盤傾從世珠

黃泥局瀉流年箭麻姑瓜禿瞳子昏東皇肉角生魚鱗  
靈鼇柱骨半枯朽驪龍德悔愁耕人周孔著龜久淪沒  
黃蒿誰認賢愚骨免苑詞才去不還蘭亭水石空明月

姮

一作巫

娥弄簫香雨

一作天女

收江濱迸瑟魚龍愁靈芝九

折楚蓮醉翾風一歎梁庭秋

一作塵愁

醪亞

一作凸

蠻觥奉君

壽玉山三獻春紅透銀鴨金鵝言待誰隋家嶽瀆皇家

有珊瑚座上凌香雲鳳臙龍炙猩猩脣芝蘭此日不傾

倒南山白石皆賢人文康調笑麒麟起一曲飛龍壽天

地

錢塘對酒曲

風天鴈悲西陵愁使君  
紅旗弄濤頭東海神魚騎未得  
江天大笑閒悠悠嵯峨吳山莫誇碧  
河陽經年一宵白  
南州彩鳳為君生古獄愁蛇待恩澤  
三清羽童來何遲  
十二玉樓胡蝶飛  
炎荒翡翠九門去  
遼東白鶴無歸期  
一作家歸  
鴉夷公子休悲悄  
六鰲如鏡天始老  
一作尊前事  
去月團圓琥珀無  
情憶蘇小

巫山高

玉峰青雲

一作翠峰

十二枝金母和雲賜  
瑤姬花宮石砢楚

宮外

一作列

列仙

一作仙客

八面星斗垂秀色  
無雙怨三峽春

風幾夢裏王獵青鸞不在  
嬾吹簫斑竹題詩寄江妾  
飄

飄絲散巴子天苔裳玉轡  
紅霞幡

一作鮮

歸時白帝掩青

瑣瓊枝草草遺

一作迷

湘煙

贈別離

碧玉飛天星墜地  
玉劍分風交合水  
楊柳聽歌莫向隅

雞鳴一石留髣醉蹄輪送客溝水東月娥揮手崦嵫峰  
蠻天列嶂儼相待風官掃道迎遊龍天姥剪霞鋪曉空  
滌滌大帝開明宮文鯨掉尾四海通分明瀑布收靈桐  
山妖水魅騎旋風魘夢齧魂黃瘴中借君朗鑒入崆峒  
靈光草照閒花紅

關山月

昔年嫖姚護羌月今照嫖姚雙鬢雪青塚曾無尺寸歸  
錦書一作囊多一作曾寄窮荒骨百戰金瘡體沙磧鄉心一

片懸秋碧漢城

帝一作

應期

一作

破鏡時

胡塵萬里

嬋娟

隔度磧衝雲朔風起邊笳欲晚生青珥隴上橫吹霜色

刀

一作色如刀

何年斷得匈奴臂

殿前生桂樹

僊娥玉宮秋夜明桂枝拂檻參差瓊香風下天漏丁丁

牛渚翠梁橫淺清羽帳不眠恨吹笙棲鳥

一作鳥

暗驚僊

子落步月髻雲隋金雀蕙樓涼簟翠波空銀縷香寒鳳

皇簿東海即為郎斟酌綺疏長懸七星杓

古鏡篇

紫皇玉鏡蟾蜍字  
隋地千年光不死  
發匣身沈古井寒  
懸臺日照愁成冰  
海戶山窻幾梳綰  
菱花開落何人見  
野老曾耕太白星  
神狐夜哭秋天片  
下國青銅旋磨滅  
迴鸞萬影成枯骨  
會待搏風雨次寥  
長恐莓苔蝕明月

自歸山

海嶽南歸遠  
天門北望深  
暫為青瑣客  
難換一作白雲不替

心富貴老閒事  
猿猱思舊林  
清平無樂志一作尊酒有

一作瑶琴

渡

一作濟

浙江

適越一輕艘  
凌兢截鷺濤  
曙光金海近  
晴雪玉峰高  
靜寇思投筆  
傷時欲釣鰲  
壯心殊未展  
登涉漫勞勞

清源途中旅思

古木閩州道  
驅羸落照間  
投村

一作林

礙野水  
問店隔荒

山身事幾時  
了蓬飄  
何日間看花  
滯南國  
鄉月十灣環

南海送韋七使君赴象州任

一鶚韋公子新恩頌郡符  
島夷通荔浦龍節過蒼梧  
地理金城近天涯玉樹孤  
聖朝朱紱貴從此展雄圖

送沈次魯南遊

一作盧瑛石  
送沈次魯

高一作南臺贈君別滿握軒轅  
風落日一揮手金鵝雲

一作

煙雨空鼇洲石梁外劍浦羅  
浮東茲興不可接脩脩煙  
際鴻

南海石門戍懷古

漢家征百越落地喪貔貅  
大野朱旗沒長江赤血流  
鬼

神尋覆族宮廟變荒丘  
唯有朝臺月千年照戍樓

賦得池塘生春草

謝公遺詠處池水夾通津  
古往人何在年來草自春色  
宜波際綠香異雨中新  
今日青青意空悲  
行人

題居上人法華新院

浮名深般若方寺設蓮華  
鐘唄成僧國湖山稱法家  
一塵多寶塔千佛大牛車  
能誘泥犁客超然識聚沙

送秦鍊師

紫府靜沈沈松軒思別吟

一作到琴

水流寧有意雲泛本無

心錦洞桃花遠青山竹葉深不因時賣藥何路更相尋

哭寶月三藏大禪師

五峰習聖罷乾竺化身歸帝子傳真印門人哭寶衣一  
囊窮海沒三藏故園稀無復天花落悲風滿鐵圍

湓城贈別

楚岸青楓樹長隨送遠心九江春水闊三峽暮雲深氣  
調桓伊笛才華蔡琰琴迢迢嫁湘漢誰不重黃金

贈別

海國一尺綺冰壺萬縷絲以君西攀桂贈此金蓮枝高  
鳥思茂林窮魚樂洿池平生握中寶無使歲寒移

御定全唐詩卷七百四十五

欽定四庫全書蒼要卷一萬八千一百五十一集部

御定全唐詩卷七百四十六

陳陶

贈溫州韓使君

康樂風流五百年  
永嘉鈴閣又登賢  
巖城鼓動魚驚海  
華屋尊開月下天  
內使筆鋒光案牘  
鄢陵詩句滿山川  
今來誰似韓家貴  
越絕麾幢鴈影連

閒居寄太學盧景博士

無路青冥奪錦袍，恥隨黃雀住蓬蒿。  
碧雲夢後山風起，珠樹詩成海月高。  
久滯鼎書求羽翼，未忘龍闕致波濤。  
閒來長得留侯癖，羅列楮梨校六韜。

一作礪溪老叟無  
人用閑列查梨校

六韜

贈漳州張怡一作使君

舊德徐方天下聞，當年熊軾繼清芬。  
井田異政光蠻竹，符節深恩隔瘴雲。  
已見嘉祥生北戶，嘗嫌夷貊蠹南薰。  
幾時徵拜征西越，學著縵胡從使君。

贈容南韋中丞

普寧都護軍威重  
九譯梯航壓要津  
十二銅魚尊畫戟  
三千犀甲擁朱輪  
風雲已靜西山寇  
閭井全移上國春  
不獨來蘇發歌詠  
天涯半是泣珠人

投贈福建路羅中丞

越豔新謠不厭聽  
樓船高卧靜南溟  
未聞建水窺龍劍  
應喜家山接女星  
三捷楷模光典策  
一生封爵笑丹青  
皇恩幾日西歸去  
玉樹扶疎正滿庭

贈江南李偕副使

世祿三朝歷鳳池，杜陵公子漢庭知。  
雷封始賀堂溪劍，花府尋邀玉樹枝。  
幾日坐談誅叛逆，列城歸美見歌詩。  
從軍莫厭千場醉，即是金鑿寵命時。

賀容府韋中丞大府賢兄新除黔南經略

蓬瀛簪笏舊聯行，紫極差池降寵章。  
列國山河分鴈字，

一作一門金玉盡龍驤。  
耿家符節朝中美，袁氏芝蘭閭

外香烽戍悠悠限，巴越佇聽歌詠兩甘棠。

和容南韋中丞題瑞亭白燕白鼠六眸龜嘉蓮

伏波恩信動南夷交趾喧傳四瑞詩燕鼠孕靈褒上德

龜蓮增耀荅無私迴翔雪侶窺簷處照映紅巢出水時

盡寫流傳

一作風流

在軒檻嘉祥從此百年

一作城

知

題豫章西山香城寺

十一一作地嚴宮禮竺皇旃檀樓閣半天香祇園樹老梵

聲小雪嶺花香

一作開

燈影長霄漢落泉供月界蓬壺靈

鳥侍雲房何年七七金

一作空

人降金錫珠壇滿上方

送江西周尚書赴滑臺

楚謠襦袴整三千  
喉舌新恩下九天

一本此字缺

角雄都

分節鉞蛟龍  
舊國罷樓船  
崑河已在兵  
鈴內棠樹空  
留  
鶴嶺前多病  
無因酬一顧  
鄢陵千騎去  
翩翩

閩中送任畹端公還京

燕臺下榻玉為人  
月桂曾輸次第春  
幾日酬恩坐炎瘴  
九秋高駕拂星辰  
漢庭鳳進鷓行喜  
隋國珠還水府貧  
多少嘉謨奏風俗  
斗牛孤劍在平津

豫章江樓望西山有懷

水護星壇列太虛煙霓十八

一作煙霞明滅

上仙

一作真

居時人

未識遼東鶴吾祖曾傳寶鼎書終日章江催白鬢何年  
丹竈見紅蕖桃花谷口春深淺欲訪先生赤鯉魚

經徐穉墓

邾鄆妖興炎漢衰先生南國卧明夷鳳皇屢降玄纁禮  
瓊石終藏烈火詩禁掖衣冠加宋鵲湖山耕釣沒堯時

一作師

千年瓏樹何人哭寂寞蒼苔內史碑

鍾陵道中作

原隰經霜蕙草黃，塞鴻消息怨流芳。  
秋山落照見麋鹿，南國異花開雪霜。  
煙火近通槃瓠俗，水雲深入武陵鄉。  
曾逢鬻缺話東海，長憶蕭家青玉牀。

旅泊塗江

煙雨南江一葉微，松潭漁父夜相依。  
斷沙鴈起金精出，孤嶺猿愁木客歸。  
楚國柑橙勞夢想，丹陵霞鶴問音徽。  
無因得似滄溟叟，始憶離巢已倦飛。

上建溪

崆峒一派瀉蒼煙，長揖丹丘逐水仙。  
雲樹杳冥通上界，峰巒迴合下閩川。  
侵星愁過蛟龍國，採碧時逢婺女船。  
已判猿催鬢先白，幾重灘瀨在秋天。

冬日暮

冬一作夜 旅泊廬陵

螺亭倚棹哭飄蓬，白浪欺船自向東。  
楚國蕙蘭增悵望，番禺筐篚旅屢一作虛空。  
江城雪落千家夢，汀渚冰生一夕風。  
棄置侯鯖任羈束，不勞龜瓦問窮通。

登寶歷寺閣

金碧高層世界空憑蜺

一作閣

長嘯八蠻風橫軒水壯蛟

龍府倚棟星開牛斗宮三楚故墟殘景北六朝荒苑斷  
山東不堪懷古勞悲笑安得鵬搏顥氣中

寄兵部任畹郎中

常思劍浦越

一作列

清塵荳蔻花紅十二春崑玉已成廊

廟器澗松猶是薜蘿身雖同橘柚依南土終媿

一作仰魁

置近北辰好向昌

一作明

時薦遺逸莫教千古弔靈均

贈江南從事張侍郎

一作御

平南門館鳳皇毛  
二十華軒立最高  
幾處談天致雲雨  
早時文海得鯨鰲  
姻聯紫府蕭窻貴  
職稱青錢繡服豪  
江徼燕虞才不展  
銜杯終日詠離騷

劍池

秦帝南巡厭火精  
蒼黃埋劍故豐城  
霸圖繚戾金龍蟄  
坤道扶搖紫氣生  
星斗卧來閒窟穴  
雌雄飛去變澄泓  
永懷惆悵中宵作  
不見春雷發匣聲

洛城見賀自真飛昇

一作  
登仙

子晉鸞飛古洛川金桃再熟賀郎仙三清樂奏嵩丘下

五色雲屯御苑前朱頂舞低

一作  
翻

迎絳節青鬟歌對駐

香輶誰能白晝相悲泣太極光陰億萬年

謫仙吟贈趙道士

汗漫東遊黃鶴雛縉雲仙子住清都三元麟鳳推高座

六甲風雷閤小壺日月暗資靈壽藥山河擬作

一作常  
直又作

直擬化生符若為失意居蓬島鼈足塵飛桑樹枯

夜別溫商梓州

鳳皇城裏花時別，玄武江邊月下逢。  
客舍莫辭先買酒，相門曾忝舊登龍。  
迎風騷屑千家竹，隔水悠揚午夜鐘。  
明日又行西蜀去，不堪天際遠山重。

題贈高間上人

簷蔔花間客，軒轅席上珍。  
筆江秋菡萏，僧國瑞麒麟。  
內殿初招隱，曹溪得後塵。  
龍蛇驚粉署，花雨對金輪。  
白馬方依漢，朱星又入秦。  
劇談凌鑿齒，清論倒波旬。  
拂石先

天古降龍舊國春珠還合浦老龍去玉州貧鴛鴦輸黃  
絹場壇遶白蘋鼎湖開入夢金閣靜通神海氣成方丈  
山泉落淨巾獼猴深愛月鷗鳥不猜人拂岳蕭蕭竹垂  
空澹澹津漢珠難覓對荆璞本來真伊傅多睽壁劉雷  
競買鄰江邊有國寶時為劓星辰

哭王贊府

白水流今古青山送死生驅馳三楚掾倏忽一空名金  
玉埋皋壤芝蘭哭弟兄龍頭孤後進鵬翅失前程愁變

風雲色悲連鼓角聲落星辭聖代寒夢閉佳城伊昔來  
江邑從容副國英德踰棲棘美公亞飲冰清大厦亡孤  
直羣儒憶老成白駒悲里巷梁木慟簪纓隴遂添新草  
珠還滿舊籬蒼蒼難可問原上晚煙橫

聖帝擊壤歌四十聲

百六承堯緒艱難土

一作上

運昌太虛橫善宇中野鬪豺

狼帝曰更吾嗣時哉憶聖唐英皇

一作皇

垂將校神嶽誕

忠良鍊石醫元氣屠鼈正昊蒼掃原鋪一德驅禘立三

光大道重蘇息真風再發揚  
芟夷踰舊跡神聖掩前王

郊酒酣寥廓鴻恩受渺茫  
地圖龜負出天誥鳳銜將雜

貢來山峙羣夷入鴈行  
紫泥搜海岱鴻筆富巖廊  
鷹象

敷宸極震瀛作瑞坊  
泥丸封八表金鏡照中央  
構殿基

一作麟趾開藩表鳳翔  
鑾輿親稼穡朱幌務蠶桑  
戎羯

輸天馬靈仙侍玉房  
宮儀水菟一作精甲門衛綠沈槍  
陶

鑄超三古車書混萬方  
時巡望虞舜蒐狩法殷湯  
化合

謳謠滿年豐鬼蜮藏  
政源歸牧馬公法付神羊  
寶鼎無

靈應金甌肯破傷封山昭茂績祠

一作神

執荅嘉祥在昔

宮闈僭仍罹羿浞殃牝雞何譏讜獬犬漫劾勦苗禱三

靈怒桓偷九族亡鯨鯢尋挂網魑魅旋投荒松栢霜逾

一作還翠芝蘭露更香聖謨流祚遠仙系發源長島嶼征

徭薄漪瀾汎稻涼

一作抗稻香

鳧魚饜飡啖荷薜足衣裳寤

寐華胥國嬉遊太素鄉鷹鷂飛接翼忠孝住連牆有叟

能調鼎無媒隱釣璜乾坤資識量江海入文章野鶴思

蓬闕山麋憶廟堂泥沙空淬礪星斗屢低昂厯草何因

見衢尊豈暫忘終隨嘉橘賦霄漢謁羲皇

續古二十九首

大堯登寶位麟鳳煥宸居海曲霑恩澤還生比目魚  
生值揖遜歷長歌東南春釣鼈年三十未見天子巡  
軒轅承化日羣鳳戲池臺大樸衰喪後仲尼生不來  
大道歸孟門蕭蘭日爭長想得巢居時碧江應無浪  
矻矻蓬舍下慕君麒麟閣笑殺王子喬寥天乘白鶴  
杳杳巫峽雲悠悠漢江水愁殺幾少年春風相憶地

吳洲采芳客桂棹木蘭船日晚欲有寄裴回春風前  
仙家風景晏浮世年華速邂逅漢武時蟠桃海東熟  
南國珊瑚樹好栽天馬鞭魚龍不解語海曲空嬋娟  
周穆恣遊幸橫天驅八龍寧知泰山下日日望登封  
秦國饒羅網中原絕麟鳳萬乘巡海回鮑魚空相送  
秦家無廟略遮虜續長城萬姓隴頭死中原荆棘生  
秦作東海橋中州一作原鬼辛苦縱得跨蓬萊羣仙亦飛去  
隋煬棄中國龍舟巡海涯春風廣陵苑不見秦宮花

范子相句踐滅吳成大勳雖然五湖去終媿磻溪雲  
麟鳳識翔螭聖賢明卷舒哀哉嵇叔夜智不及鷄鷓  
戰地三尺骨將軍一身貴自古若弔冤落花少於淚  
楚國千里旱土龍日已多九穀竟枯死好雲間嵯峨  
漢家三殿色恩澤若飄風今日黃金屋明朝長信宮  
南園杏花發北渚梅花落吳女妒西施容華日消鑠  
山雞理毛羽自言勝烏鳶一朝逢鸞鷲羞死南海邊  
秦家卷衣貴本是倡家子金殿一承恩貂蟬滿鄉里

魏宮薛家女秀色傾三殿武帝鼎湖歸一身似秋扇  
嬋娟越機裏織得雙棲鳳慰此殊世花金梭忽停弄  
學古三十載猶依白雲居每覽班超傳令人慵讀書  
雄劍久濩落夜吟秋風起不是懶為龍此非延平水  
朝為楊柳色暮作芙蓉好春風若有情江山相逐老  
景龍臨太極五鳳當庭舞誰信壁間梭昇天作雲雨  
曾夢諸侯笑康囚議脫枷干根池底藕一朶火中花

永嘉贈別

芳草溫陽客歸心  
浙水西臨風青桂  
檝幾日白蘋溪

有所思

一作長相思

欲唱玄雲曲知音  
復誰是採掇情未  
來臨池畫春水

吳苑思

今人地藏古人骨  
古人花為今人發  
江南何處葬西施  
謝豹空聞采香月

古意

麻姑井邊一株杏  
花開不如古時紅  
西鄰蔡家十歲女

年年二月賣一作東風

朝元引四首

帝燭熒煌下九天蓬萊宮曉玉爐煙無央一作窮鸞鳳隨

金母來賀熏風一萬年

正一作玉殿雲開露冕旒下方珠翠壓黿頭天雞唱罷南

山曉一作曙春色光輝一作先歸十二樓

萬寓靈祥擁帝居東華元老薦屠蘇龍池遙望非烟拜

五色瞳矐在玉壺

寶祚河宮一向清  
龜魚矢篆益分明  
近臣誰獻登封草  
五岳齊呼萬歲聲

宿天竺寺

一宵何期此靈境  
五粒松香金地冷  
西僧示我高隱心  
月在中峰葛洪井

賦得古蓮塘

闔閭宮娃能采蓮  
明珠作佩龍為船  
二千巧笑不復見  
江頭廢苑花年年

雙桂詠

青冥結根易傾倒  
沃洲山中雙樹好  
瑠璃宮殿無斧聲  
石上蕭蕭伴僧老

夏日懷天台

一作夏日有懷

竹齋睡餘柘漿清  
麟鳳誘我勞此生  
忽憶天台掩書坐  
澗雲起盡紅崢嶸

臨風歎

芙蓉樓中飲君酒  
驪駒結言春楊柳  
豫章花落不見歸

一望東風堪白首

春日行

鶗鴂初鳴洲渚滿  
龍蛇洗鱗春水暖  
病多欲問山寺僧  
湖上人傳石橋斷

春歸去

九十春光在何處  
古人今人畱不住  
年年白眼向黔婁  
唯放鱗鱗飛上樹

蜀葵詠

綠衣宛

一作去

地紅倡倡熏風似舞諸女郎南鄰蕩子婦

無賴錦機春夜成文章

南昌道中

古道黃綠蔓黃葛桓伊冢西春水闊村翁莫倚橫浦罾  
一半魚蝦屬鶻獺

子規思

春山杜鵑來幾日夜啼

一作啼過

南家復北家野人聽此坐

惆悵恐畏踏落東園花

吳興秋思二首

不是苕溪厭看月  
天涯有程雲樹涼  
何意汀洲剩風雨  
白蘋今日似瀟湘

日夕鯤魚夢南國  
苕陽水高迷渡頭  
故山秋風憶歸去  
一作秋風憶歸故山去  
白雲又被王孫畱

閩川夢歸

千里潺湲建溪路  
夢魂一夕西歸去  
龍舸欲上巴獸灘  
越王金雞報天曙

竹十一首

不厭東溪綠

一作碧

玉君天壇雙鳳有時聞  
一峰曉似朝

仙處青節森森倚絳雲

萬枝朝露學瀟湘  
杳靄孤亭白石涼  
誰道乖龍不得一作

行雨春雷入地馬鞭狂

嘯入新篁一里行  
萬竿如甕鎖龍泓  
驚巢翡翠無尋處  
閒倚雲根刻姓名

青嵐霈亞思吾祖  
綠潤偏多憶蔡邕  
長聽南園風雨夜

恐生鱗甲盡為龍

迸玉閒抽上釣磯  
翠苗番次脫霞衣  
山童泥乞青驄馬

騎過春

一作青

泉掣手飛

須獨

一作

題內史琅玕塢  
幾醉山陽瑟瑟村  
剩養萬莖將

掃俗莫教凡鳥關雲門

一溪雲母間靈花  
似到封侯逸士家  
誰識雌雄九成律

子喬丹井在深涯

燕燕雛時紫米香  
野溪羞色過東牆  
諸兒莫拗成蹊筍

從結高籠養鳳皇

一節呼龍萬里秋  
數莖垂海六鼇愁  
更須瀑布峰前種  
雲裡闌干過子猷

丘壑誰堪話

一作語

碧鮮靜尋春譜  
認嬋娟會當小殺青

瑤簡圖寫龜魚把上天

玄圃千春閉玉叢  
湛陽一祖碧雲空  
不須騷屑愁江島  
今日南枝在國風

鍾陵秋夜

洪崖嶺上秋月明野客枕底章江清蓬壺宮闕不可夢  
一一入樓歸鴈聲

江上逢故人

十年蓬轉金陵道長哭一作笑青雲身不早故鄉逢盡白

頭人一作故里相逢盡白頭清江顏色何曾老

水調詞十首

黠虜迢迢未肯和五陵年少重橫戈誰家不結空閨恨  
玉筋闌干妾最多

羽管慵調怨別離  
西園新月伴愁眉  
容華不分隨年去  
獨有妝樓明鏡知

憶餞良人玉塞行  
梨花三見換啼鶯  
邊場豈得勝閨閣  
莫逞凋弓過一生

惆悵江南早鴈飛  
年年辛苦寄寒衣  
征人豈不思鄉國

只是皇恩一作家未放歸

水閣蓮開燕引雛  
朝朝攀折望金吾  
聞道磧西春不到  
花時還憶故園無

自從清野戍遼東  
舞袖香銷羅幌空  
幾度長安發梅柳  
節旄零落不成功

長夜孤眠倦錦衾  
秦樓霜月苦邊心  
征衣一倍裝綿厚  
猶慮交河雪凍深

瀚海長征古別離  
華山歸馬是何時  
仍聞萬乘尊猶屈  
裝束千嬌嫁郅支

沙塞依稀落日邊  
寒宵魂夢怯山川  
離居漸覺笙歌懶  
君逐嫖姚已十年

萬里輪臺音信稀  
傳聞移帳護金微  
會須麟閣留蹤跡  
不勝天驕莫議歸

送謝山人歸江夏

黃鶴春風二

一作三

千里山人佳期碧  
江水攜琴一醉楊

柳堤日暮龍沙白  
雲起

閒居雜興五首

虞韶九奏音猶在  
只是巴童自棄遺  
閒卧清秋憶師曠  
好風搖動古松枝

一顧成周力有餘  
白雲閒釣五溪魚  
中原莫道無麟鳳  
自是皇家結網疎

長愛

一作壽

真人王子喬  
五松山月伴吹簫  
從他浮世悲

生死獨駕蒼鱗

一作龍

入九霄

越里娃童錦作襦  
豔歌聲壓郢中姝  
無人說向張京兆  
一曲江南十斛珠

雲堆西望賊連營  
分閩何當舉義兵  
莫道羔裘無壯節  
古來成事盡書生

泉州刺桐花詠兼呈趙使君

髣髴三株植世間  
風光滿地赤城閒  
無因秉燭看奇樹  
長伴劉公醉玉山

海曲春深滿郡霞  
越人多種刺桐花  
可憐虎竹西樓色  
錦帳三千阿母家

石氏金園無此豔  
南都舊賦乏靈材  
只因赤帝宮中樹  
丹鳳新銜出世來

猗猗小豔夾通衢  
晴日熏風笑越姝  
只是紅芳移不得

刺桐屏障滿中都

不勝攀折悵年華  
紅樹南看見海涯  
故國春風歸去盡  
何人堪寄一枝花

赤帝常一作嘗

聞海上遊三千幢  
蓋擁炎州今來樹似離

宮色紅翠斜欹

一作斜

十二樓

投贈福建桂常侍二首

後來台席更何人都護  
朝天拜近臣  
長笑當時漢卿士  
等閒思澤畫麒麟

匝地歌鐘鎮海隅  
城池鞅掌舊名都  
不知珠履三千外  
更許侯嬴寄食無

隴西行四首

漢主東封報太平  
無人金闕議邊兵  
縱饒奪得林胡塞  
磧地桑麻種不生

誓掃匈奴不顧身  
五千貂錦喪胡塵  
可憐無定河邊骨  
猶是春閨夢裡人

隴戍三看塞草青  
樓煩新替護羌兵  
同來死者傷離別

一夜孤魂哭舊營

點虜生擒未有涯  
黑山營陣識龍蛇  
自從貴主和親後  
一半胡風似漢家

荅蓮花妓

近來詩思清於水  
一作月老去  
一作大風  
一作心情薄似雲已  
向昇天得門戶  
錦衾深愧卓文君

鏡道中吹簫

金欄  
一本作欄白的善  
一作苦簦簦雙鳳  
夜伴江南樓十洲人

聽玉樓曉空向千山桃杏枝

贈野老

何年種芝白雲裏人傳先生老萊子消磨世上名利心  
澹若巖間一流水

酬元亨

一作上人

一衲淨居雲夢合秋來詩思祝融高何因知我津涯闊  
遠寄東溟六巨鼇

題徐穉湖亭

伏龍山橫洲渚地人如白蘋自生死洪崖成道二千年  
唯有徐君播青史

鄱陽秋夕

憶昔鄱陽旅遊日曾聽南家爭擣衣今夜重開舊砧杵  
當時還見鴈南飛

飛龍引

長洲茂苑朝夕池映日含風結細漪坐當伏檻紅蓮披  
雕軒洞戶青蘋吹輕幌芳煙鬱金馥綺簷花簾桃李枝

茗茗翡翠但相逐  
桂樹鴛鴦恒並宿

句

蟬聲將月短  
草色與秋長  
比屋歌黃竹  
何人撼白榆

以上見張  
為主客圖

好看如鏡夜  
莫笑似弓時

新月見  
吟憲雜錄

江

湖水清淺不足掉  
鯨尾 飲水狼子瘦  
思日鷓鴣寒

一鼎雄雌金液火  
十年寒暑鹿麕裘  
寄語東流任斑

鬢向隅終守鐵  
梭飛

以上見北  
夢瑣言

乾坤見了文章懶  
龍


虎成來印綬疎  
近來世上無徐庶  
誰向桑麻識卧龍  
見

磯立  
談

御定全唐詩卷七百四十六

謹案卷七百四十六第二頁前二行九譯梯航歷  
要津刊本譯訛驛據別本改

--	--	--	--	--	--	--	--	--



總校官庶吉士臣張能照

校對官庶吉士臣翟槐

謄錄貢生臣王嘉稷